

32 urteko kartzela eskaerari eutsi dio fiskalak Ortega Lararen bahitzaileentzat


Epaiairen zain geratu zen atzo epaiketa Madrilgo Entzutegi Nazionalean

Jose Antonio Ortega Lara kartzela funtzionario ohia bahitzeaz akusatuta dauden lau laguntzat 32 urteko kartzelaldi eskaera berretsi zuen fiskalak atzo epaiketa amaieran. Polizi operazioan parte hartu zuten guardia zibilek eta forentse-ek deklaratu zuten Entzutegi Nazionaleko epaiketako azken saioan, askatu zutene-ko zenbait xehetasun emate-ko.

Agentziak / Madril

BEHIN-BEHINEKO txostenean bezala, epaiketa amaieran ere fiskalak eutsi egin zien Jose Antonio Ortega Lara bahitzeaz akusatuta dauden lau laguntzat egini-ko zigor eskaerei: 32 urteko kartzelaldia eskatu zuen behin betiko txostena irakurtzean. Legez kanpoko atxiloteta eta hilketa egotzen diete, konspirazio graduari. Jesus Mari Uribetxebarria, Xabier Ugarte, Jose Luis Erostege eta Jose Miguel Gaztelu dira akusatuta daudenak, eta laurak onartu zuten Ortega Lara bahitu zutela. AVT (Terrorismoaren Biktimen Elkarteak) 38 urteko kartzela eskaera egin zuen, eta defentsak, berriz, absolutzioa. Epaiketa asteazkenean hasi eta atzo arratsaldeko 15:00etan amaitu zen. Ohikoaren kontra, telebistako kamerak sartu ahal izan ziren epaigelan.

Ortega Larak ez du deklaratu epaiketan, berak hala eskatuta eta txosten medikoek haren osasun egoerarentzako kaltegarri litzatekeela ziortelako. Ortega Larak orain deklaratu ordez, askatu zutenean eginiko deklarazioa erabili zuten. Epaiketako lehenengo saioan hasi ziren deklarazioa irakurtzen eta atzo jarraitu zuten deklarazio horrekin. Epaiketako lehenengo egunean lau akusatuak deklaratu zuten. Guztiek onartu zuten bahiketan parte hartu zutela, eta



Jose Miguel Gaztelu (ezkerrean) eta Jose Luis Erostege, akusatuak bi, epaiketaren lehen egunean.

EFE

bahiketa hura egitera «behartuta» sentitu zirela gaineratu zuten. Gobernuak presoaren egoerari buelta emateko ezer egiten ez zuelako. Ortega Lara kartzela funtzionarioa zelako eta PPko militantea zelako bahitu zutela ere esan zuten. Ortega Larak 532 egun egin zituen ETaren eskutik bahituta, eta Guardia Zibilak askatu zuen 1997ko uztailaren 1ean, Arrasaten (Gipuzkoa) egini-ko polizi operazioan. Orduan atxilotu zituzten lau auzipetuak.

Atzoko saioan, Ortega Lararen deklarazioa irakurtzen amaitu ondoren, hura askatzeko polizi operazioan parte hartu zuten zenbait guardia zibilek deklaratu zuten. Haietako batek, Ortega Lara ikusi zuten lehenengo guardia zibilak, ezkutuan deklaratu zuen. Esan zuen kartzela funtzionario izandakoak bi aldiz egin ziola uko bahituta zegoen zuloatik ateratzeari, eta zera esan ziola: «Hil naza-

zu, badakizu hiltzeari ez diodala beldurrik». Hiltzeko ere bitan edo hirutan eskatu ziola esan zuen guardia zibilak, eta hark aske zegoela azaldu behar izan omen zion Ortega Larari, azkenik sine-tsi eta kanpora irteteko prest agertu zen arte. Gero berriz ere kanporako bidean Ortega Larak atzera egin zutela esan zuen guardia zibilak, baina poliki-poliki jantzi eta irten zirela.

Askatu ondoren azterketa medikoa egin zioten bi forentsek ere deklaratu zuten. Haiek esan zuten, Ortega Larak behin baino gehiagotan pentsatu zuen bahitzaileek pozoituta hilko zutela eta horregatik ez zituen zenbait janari jaterik nahi izaten. Askatu zutenean, «desnutrizio egoera larrian» zegoen Ortega Lara forentseen arabera, bahitu zutenean baino 23 kilo gutxiago zituen. Anemia, nekea eta itolarria ere nabaritu ziotela esan

zuten forentseek. Gogoratu bezperako saioan akusatuak argi utzi nahi izan zutela bahituari ahalik eta tratu hoberean ematen ziotela eta inoiz ez zutela hura gosez hiltzen uzteko asmorik izan. Gobernuak presoaren auzia konpontzeko keinu bat egin izan balu, bahiketa 24 ordutan amaitu zitekeela azaldu zuten. X

Barne Ministerioak ez zeukan Iturgaitzen kontrako atentatu saioaren berririk, Fluxak dioenez

■ PPko buruzagiak dio Herrizaingo Sailak ez diola ezertaz ohartarazi

Agentziak / Gasteiz

CARLOS ITURGAITZ PPko buruzagiaren kontrako balizko atentatu saioari buruzko berririk ez du izan Barne Ministerioak, Ricardo Marti Fluxa Segurtasunerako Estatu idazkariak atzo Madrilan adierazi zuenez. Fluxak zalantzan jarri zuen albistea. «Ez genekien horrelako mehatxurik gertatu denik, gertatu izan bada», esan zuen Fluxak. «Ziur naiz polizi gortutzen batek horrelako arrisku baten berri izan balu, Iturgaitzi jakinaraziko ziola».

Iturgaitzek berak atzo goizean esan zuen Barne Sailak ez diola abisurik eman Bizkaia komandoaren helburu zela. Duela bi egun Jose Manuel Martiarena sailburordearekin hitz egin zutela eta ez ziola gai zehatz hori aipatu esan zuen, baina ikamiketari ez zuela sartu nahi.

Bestalde, Europa Pressen arabera, Poliziak 1997ko ekainaren 14an Negurin bomba-auto bat jarri izana egotzi dio Iñaki Bilbaori. Egun hartan, ETaren izenean norbaitek abisua eman zuen eta Ertzaintzako artezilariek indargabetu egin zuten. X

Iturgaitz: «Ortega Lararen bahitzaileek txakurtegi egon beharko lukete»

CARLOS ITURGAITZ EAeko PPko lehendakariak Ortega Lara espetxe funtzionarioaren bahitzaileak txakurrekin parekatu zituen. Iturgaitzek Gasteizko Parlamentuko korridoreetan hitz egin zuen atzo, oso-ko bilkuran sartu aurretik.

Ortega Lara bahitzeaz akusatuta daudenek epaiketan egin dituzten deklarazioak hizpide

izan zituen PPko buruzagiak: «Edozein demokrata ikaratu egiten da jende horrek daukan zinismoa eta hipokrisia entzunda».

«Zortea daukate Zuzenbide Estatua existitzen delako eta espetxe batean daudelako, zeren eta egin eta esaten dutenagatik txakurtegi batean egon beharko bailukete», gaineratu zuen Iturgaitzek. «Basatxaku-

rrak bezalakoak dira, gizaki bati egin diotenaren ondoren kalte animikoa eta fisikoa aitor-itzeko gauza ez direlako».

Enriqueta Benito UAko parlamentarioak, berriz, Ortega Lararen bahitzaileen kontra legea «gogortasunez» erabiltzeko eskatu zuen. «Espetxe funtzionarioa egon zen zulo berean eta egoera eta denbora berean egotea merezi dute»,

adierazi zuen UAko parlamentarioak. Akusatuak epaiketa justua izango dutela nabarmendu zuen. «Haiek, berriz, demokrazia, giza eskubideak eta bizitza ez dituzte errespetatzen». Legea betearazi behar da ahalik eta zorrotzen eta ahalik eta gogorren horrelako astakeriak ordainik gabe izan ez daitezen», gaineratu zuen.

Etorki-zuneko Getxo eraikitzen ari gara.

Estamos construyendo el Getxo de mañana.

Har ezazu parte Hasierako Onarpen Fasean
Participa en la Fase de Aprobación Inicial

**Hiri Antolaketa-
Plangintza Orokorra
Plan General de
Ordenación Urbana de Getxo**

GETXOKO UDALA AYUNTAMIENTO DE GETXO

EXPOSICION

Casa Rosada de Algorta
Lunes a viernes:
10-13 y 17-20,30 h.
Sábados:
10-14 h.

12 JUNIO
31 JULIO